

Inatsisartut Suleriaasianni § 33, imm. 4 naapertorlugu aalajangiiffigisassatut siunnersuut matumuuna Naalakkersuisut saqqummiuppaat:

Kalaallit Nunaanni sulisilluni ajoqusersinnaanermut isumannaarineq pillugu inatsisip allannguiteqartinneqarnissaa pillugu inatsisissatut siunnersummik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)

Tunngavilersuut

Sulisilluni Ajoqusersernerit pillugit Sullissiviup inatsimmik aqtsinermini misilittagarilersimasai siunnersummi tunngavigineqarput.

Teknikkikkut iluarsiinerit aaqqissuussamik inuiaqtigiinni kalaallini pitsaanerusumik akuutitsiviulertussat, aammalu Kalaallit Nunaanni atuisunik sullissinermik pitsaanerusumik kinguneqartussat, pineqarput.

Inatsisissatut siunnersuutip imarisai:

Allannguitissat siunnersuutigineqartut Kalaallit Nunaanni sulisilluni ajoqusersinnaanermut isumannaarineq pillugu inatsimmi nr. 1528, 21. december 2010-imeersumi teknikkikkut iluarsiinerupput.

Tamanna pingaartumik § 14-imni pivoq, tassani suliarinninnermut aningaasartuutinik taarsiisarnissaq pillugu maleruagassat allannguiteqartinneqarlutik, taamaalilluni suleriaatsimut atuuttumut naapertuutumik erseqqissumik allassimalerluni, sulisilluni ajoqusersinnaanermut isumannaarinerup ajoquseruntut Kalaallit Nunaanni peqqinnissaqarfimmit sullinneqarnissamik pisinnaatitaaffeqannngitsunut tunngatillugu, assersuutigalugu Kalaallit Nunaanni najugaqartuunnginnej pissutigalugu, peqqinnissaqarfip aningaasaqarnikkut pisussaaffigilissanngikkai.

Sillimmasiisarnermk ingerlatseqatigiiffimmit il.il. akiliuteqarluni nakorsamit misissorneqarnermut katsorsarneqarnermullu atatillugu angalanerup najugaqarnerullu aaqqissuunneqarnissaanut angalanermik aaqqissuussisartut namminersortut Sulisilluni ajoqusernernut Aqutsisoqarfip atorsinnaavai.

Danmarkimi pisartut assigalugit naammagittaalliornissamut piffissaliussanik atuutsitsisoqalissaq, aammalu Sulisilluni ajoqusernernut Aqutsisoqarfimmi pisortap Namminersorlutik Oqartussat isumaqtiginninniaqtigereerneranni aalajangiinernut

naammagittaalliornerit suliarineqartarneri pillugit maleruagassanik
aalajangersaasinnaaneranut inatsisitigut tunngavissamik atuutsitsisoqlissalluni.

Kiisalu Naalagaaffik, Namminersorlutik Oqartussat aamma kommunit namminneerlutik
sillimmasiisimasut Sulisilluni Ajoqusernerit pillugit Sullissiviup suliassanik Naalagaaffimmik,
Namminersorlutik Oqartussani imaluunniit kommunini sulisunut tunngassuteqartuni
allaffissornikkut aqutsineranut akiliisassasut erseqqissarneqarpoq.

Aningaasaqarnikkut sunniutaasussat

Siunnersuut pisortanut, inuussutissarsiorfotunut imaluunniit innuttaasunut aningaasaqarnikkut
sunniuteqassanngitsoq naliliisoqarpoq.

Attaveqaqtigiinneq

Soqanngilaq

Tusarniaaneq

Siunnersuut ulloq 19. august 2013-imiit 1. oktober 2013-imut tusarniaassutigineqarpoq
aammalu oqaaseqaatit siunnersuummut ilanngunneqarput.

Taamatut oqaaseqarlutik Naalakkersuisut inassutigaat Kalaallit Nunaanni sulisilluni
ajoquserinnaanermut isumannaarineq pillugu inatsisip allannguuteqartinneqarnissaa pillugu
inatsisisatut siunnersuutip Kalaallit Nunaannut atuutsinneqalernissaa Namminersorlutik
Oqartussat akuerisinnaagaat Inatsisartut aalajangissasut.

Ilanngussat:

- 1) Kalaallit Nunaanni sulisilluni ajoquserinnaanermut isumannaarineq pillugu inatsisip
allannguuteqartinneqarnissaa pillugu inatsisisatut siunnersuutip naalisarnera.
- 2) Kalaallit Nunaanni sulisilluni ajoquserinnaanermut isumannaarineq pillugu inatsisip
allannguuteqartinneqarnissaa pillugu inatsisisatut siunnersuut.
- 3) Tusarniaanermut allakkiaq Kalaallit Nunaanni sulisilluni ajoquserinnaanermut
isumannaarineq pillugu inatsisip allan-ngortinneqarnissaanik siunnersuummut tunngasoq.